

卷二

金匱翼

18080

金匱翼卷二目錄

痰飲統論

攻逐

消導

和

補

溫

清潤

傷食

傷酒

不能食

穀勞

食亦

諸血統論

吐血

風熱
勞傷

鬱熱
陽虛

暑毒
傷腎

畜熱

鼻衄

齒衄

舌衄

大衄并汗血

金匱翼卷二

飼鶴山人尤在涇堯生怡集

長洲後學徐錦炳南氏讀

痰飲統論

人之有形。藉水飲以滋養。水之所化。憑氣脈以宣流。蓋三焦者。水穀之道路。氣脈之所終始也。若三焦調適。氣脈平均。則能宣通水液。行入於經。化而爲血。灌溉周身。設三焦氣澀。脈道不通。則水飲停滯。不得宣行。因之聚成痰飲。爲病多端。古方論痰有四。痰飲懸

飲溢飲支飲是也詳見金匱要畧然又有留飲癖飲
流飲伏飲之異其聚而不散者曰留飲僻處脇下者曰
癖飲流移不定者曰流飲沉伏於內者曰伏飲又因
酒而成癖者曰酒癖因寒多所致者曰冷痰因熱邪
所傷者曰熱痰病雖多端悉由三焦不調氣道否澀
而生病焉是以氣行卽水行氣滯卽水滯故知飲之
爲病在人最多善治者以宣通其氣脈爲先則飲無
所凝滯所以治痰飲者當以溫藥和之蓋人之氣血
得溫則宣流也及結而成堅癖則兼以消痰破飲之

列咳之

痰之源不一。有因熱而生者。有因氣而生者。有因風而生者。有因驚而生者。有因積飲而生者。有多食而生者。有因暑而生者。有傷冷物而成者。有因脾虛而成者。其爲病也。驚痰則成心痛癰疾。熱痰則成煩躁。懊懣頭風爛眼。風痰則成癱瘓。大風眩暈。暗風悶亂。飲痰成脇痛。四肢不舉。每日嘔吐。食痰成瘧痢。口臭痞氣。暑痰頭昏眩暈。黃疸頭疼。冷痰骨痺。四肢不舉。氣刺痛。酒痰飲酒不消。但得酒次日又吐。脾虛生痰。

食不美。反胃嘔吐。氣痰攻注。走刺不定。

丹

痰生於脾胃。宜實脾燥溼。又隨氣而升。宜順氣爲先。分導次之。又氣升屬火。順氣在於降火。熱痰則清之。溼痰則燥之。風痰則散之。鬱痰則開之。頑痰則軟之。食痰則消之。在上者吐之。在中者下之。又中氣虛者。宜固中氣以運痰。若攻之太過。則胃氣虛而痰愈甚矣。

節齋

治痰七法

一日攻逐

古云。治痰先補脾。脾復健運之常而痰自化。然停積
既持。譬如溝渠瘀壅。久則倒流逆上。污濁臭穢。無所
不有。若不決而去之。而欲澄治已壅之水。而使之清。
無是理也。故須攻逐之劑。

神仙墜痰丸

黑牽牛

取頭末
三兩

皂角

酥炙
一兩

白礬

生一
兩

爲末。水丸。桐子大。酒下。三五十丸。

控涎丹

甘遂

大戟

白芥子

等分

右爲末 糊丸

臨臥薑湯服五七丸至

十丸痰猛加丸數。

李時珍曰。痰涎爲物。隨氣升降。無處不到。入心則成癲癩。入肺則壅竅。爲喘欬。背冷入肝則脇痛。乾嘔寒熱往來。入經絡則麻痺疼痛。入筋骨則牽引釣痛。入皮肉則癰癤癰腫。陳無擇三因方。並以控涎丹主之。殊有奇功。一名妙應丸。又人忽患胸背手足腰項筋骨牽引釣痛。走易不定。或手足冷痺。氣脈不通。此乃痰涎伏在心膈。

上下隨氣攻注。隧道閉塞所致。誤認癰瘰非也。須以此藥治之。

十棗湯

芫花

醋炒
黑色

甘遂

麵裹
水煮

大戟

各等
分

右爲細末。以水一升半。煮大棗十枚至八合。去

滓。調藥末。強人二錢。弱人五分。平旦服之。不下

更加五分。下後以糜粥調養之。河間云。芫花之

辛以散飲。大戟之苦以泄水。其甘遂直達水氣

所結之處。乃泄水飲之聖藥也。

礞石滾痰丸

王隱君曰。痰病古今未詳。方書雖

有五飲諸飲之異。而莫知其病之源。或頭風作
眩。目暈耳鳴。或口眼蠕動。眉稜耳輪痛痒。或四
肢遊風腫硬。似疼非疼。或齒頰痛。牙齒浮痛。或
噁氣吞酸。心下嘈雜。或痛或噦。咽嗑不利。咯之
不出。嚔之不下。其痰似墨。或如破絮。桃膠。蜆肉
之狀。或心下如停冰鐵。心氣冷痛。夢寐奇怪。失
志癲癇。或足腕痠疼。腰背骨節卒痛。或四肢筋
骨疼痛。難以名狀。並無常處。或手臂痛麻。狀若

風溼或脊上一條如線之寒起者或渾身習習如臥芒刺者或眼_疳溼癢口糜舌爛喉痺等證或繞項結核狀若瘰癧或胸腹間有如二氣交紐噎息煩悶有如煙火上衝頭面烘熱或中風癱瘓或勞瘵荏苒之疾或風毒脚氣或心下怔忡如畏人捕或喘欬嘔吐或嘔冷涎黑汁綠水甚爲肺癰腸毒便膿攣跛內外爲病百端皆痰所致其狀不同難以盡述蓋津液旣凝爲痰不復周潤三焦故口燥咽乾大便秘結面如枯骨

毛髮焦槁婦人則因此月水不通若能逐去敗痰自然服餌有效余用滾痰丸以愈諸疾今特相傳於世云。

青礞石

一兩

沉香

五錢

大黃

酒蒸熟切晒

黃芩

各入

兩

右將礞石打碎用焰硝一兩同入瓦罐鹽泥固濟晒乾火煨石色如金爲度研末和諸藥水丸如梧子大白湯食後服人壯氣實者可至百丸服後仰臥令藥在胸膈間徐徐而下除逐上焦痰滯惡物過膈然後動作食湯水方能中病明

曰當下痰積惡物若不下加十丸。

懸按痰之與飲同類而異名者耳。痰者食物所化飲者水飲所成。故痰質稠而飲質稀也。痰多從火化。飲多從寒化。故痰宜清而飲宜溫也。痰多膠固一處。飲多流溢上下。故痰可潤而飲可燥也。是以控涎十事爲逐飲之真方。礞石滾痰乃下痰之的藥。易而用之。罕有獲效者矣。學者辨之。

二曰消導

凡病痰飲未盛。或雖盛而未至堅頑者。不可攻之。但

宜消導而已。消者損而益之導者引而去之也。

和劑

二陳湯

治痰飲

為患或嘔逆惡心或頭眩心

悸或中脘不快或食生冷飲酒過度脾胃不和

並宜服之。

半夏

薑製

橘紅

各五兩

白茯苓

三兩

甘草

一兩半炙

右咬咀每服四錢水一盞薑七片煎八分熱服

無時一方有大棗一枚本方加枳實桔梗名

桔梗半夏湯

濟生導痰湯

半夏湯洗七次天南星泡去皮赤茯苓枳實

橘紅各一兩甘草炙半兩

右咬咀每服四錢水薑煎食後溫服。

青礞石丸 治食積成痰。

青礞石敲碎如棗子大二兩同入鍋煨黃色大以煇硝茯苓

半夏湯泡七次天南星漫火煨製黃芩各五錢

風化硝三錢盆淨者冬月以絹袋盛懸風前化之

右爲細末神麴糊入薑汁爲丸如梧子大每服

三五十九丸薑湯送下。一方加薑汁菖蒲滑石。

一方無南星有白朮。一方有枳實倍礞石。
一方加蒼朮五錢滑石一兩。

又方

半夏

陳皮

白朮

白茯苓

大黃

黃芩

人參

炙艸

礞石

各一兩

沉香

五錢

右爲末。以竹漚一大碗半。薑汁三匙拌勻晒乾。

如此五六度仍以竹漚薑汁糊丸。小豆大。每百

丸臨臥薑湯吞下。